



Froen: E Kaffi drénke goen

Lauschter den Audio an äntwer op folgend Froen:

1. D'Sally wëllt

- e Stéck Kuch
- kee Stéck Kuch
- e Muffin

2. D'Sally an den Tom drénken hire Kaffi um Comptoir.

- richtig
- falsch

3. D'Sally mengt, datt ...

- et an der Stad ze vill Espressosbare gëtt
- et an der Stad net genuch Espressosbare gëtt
- vill Leit an der Stad an d'Espressosbare ginn

4. Den Tom fënnt, datt ...

- e Kaffi an der Stad deier ass
- e Kaffi an der Stad bëlleg ass
- een de Kaffi an der Stad sollt geschenkt kréien

5. Den Tom ësst gewéinlech e Kaffiskichelche mat sengem Kaffi

- richtig
- falsch
- net am Text



Dialog: E Kaffi drénke goen

D'Sally an den Tom hunn elo Mëttespaus a si treffe sech an enger Espressobar. Si hu Rendez-Vous beim Knopes an der Stad. Si stinn an der Schlaang beim Comptoir fir e Kaffi ze bestellen.

VOCABULAIRE

si stinn an der Schlaang = si mussen waarden, well Leit virun hinnen och e Kaffi bestelle wëllen.

An e Capuccino fir mech: notéiert hei wéi d'Sally bestellt - amplaz och "ech hätt gär ..." ze soen, seet hatt "an" fir net datselwecht ze widderhuele wéi den Tom.

fir matzehuelen = seet een, wann een net op der Plaz konsuméiere wëllt.

léiwer net = éischer net - et ass besser kee Kuch ze huelen.

So = Imperativ vu soen (*engl: tell me, fr: dis*)

den Ënnerscheed = d'Differenz

tëschent engem Cappuccino an engem Macchiato: notéiert hei, datt mat "tëscht ... an ..." ëmmer den Dativ benotzt gëtt.

"Ech hätt gär e grouse Kaffi mat separat waarm Mëllech, w.e.g.," seet den Tom.

"**An e Capuccino fir mech**", seet d'Sally.

"Mat Mëllech oder mat Schlagsahn?", freet de Barista.

"En Italieneschen, also ech menge mat Mëllech," äntwert d'Sally.

"Ass et **fir matzehuelen** oder drénkt dir äre Kaffi hei?", freet de Barista.

"Fir hei ze drénken," seet den Tom.

"E Stéck Kuch oder e Muffin dobäi?, freet de Barista. An et ass natierlech alles hausgemaach!"

"**Léiwer net!**" schmunzelt d'Sally.

"**So**, weess du wat e Macchiato ass?" freet d'Sally den Tom wéi si sech un en Dësch gesat hunn. "Ech hu mech schonn oft gefrot, wat **den Ënnerscheed tëschent engem**

Cappuccino an engem Macchiato ass!"

"Ech mengen, t'ass wéi e Cappuccino, allerdéngs méi kleng a mat manner Mëllech," äntwert den Tom.



VOCABULAIRE

Fënns de net och: dës Fro ass geleefteg a gëtt benotzt fir d'Meenung vun der anerer Persoun ze wëssen

Dat schéngt gutt ze goen, gell?

=

Espressosbaren hunn **anscheinend** vill Succès.

Dat ka sinn = dat ass méiglech. Et seet een och: "dat maach sinn"

e Kaffi ass net geschenkt = de Kaffi ass **deier**. Ass net geschenkt benotze mir oft wa mir eppes net bëlleg fannen.

Wat s du net sees: seet een, wann een 100% averstan ass mat deem wat déi aner Persoun gesot huet.

An ech eréischt!: ass en Ausdrock (*fr: et moi donc!*)

Mäi Gott: seet een, wann een erfëiert (erschreckt) ass.

Iwwerlee mol: seet een, wann ee wëllt, datt eng Persoun richteg iwwert eppes nodenkt .

Dat sees de gutt: seet een, wann een 100% averstan ass mat deem wat déi aner Persoun gesot huet.

"Fënns de net och, datt et hei an der Stad vill Espressosbare ginn?", bemierkt d'Sally "a se sinn och ëmmer voll. **Dat schéngt gutt ze goen, gell?"**

"Dat ka sinn," seet den Tom. "Ech fannen zwar, datt **e Kaffi hei an der Stad net geschenkt ass!**"

"Wat s du net sees!", seet d'Sally haart. Ech wëll net wëssen, wéi vill Suen ech d'Woch ausgi(nn) fir Kaffi!"

"An ech eréischt! Ech kafen op d'mannst een den Dag fir matzehuelen," seet den Tom, "dat sinn dann ongeféier 15€ d'Woch. An dat ouni meng Mëtsch, déi ech ëmmer dobäi kafen. **Mäi Gott,** dat sinn da méi wéi 1200€ d'Joer!"

"Iwwerlee mol wat s de mat deene Sue maache kéins!", seet d'Sally.

"Gutt, datt ech net nach dobäi fëmmen!", seet den Tom.

"Dat sees de gutt!" laacht d'Sally.





Exercise

Lies d'Wierder a féll all Saz mat engem Wuert aus. 4 Wierder sinn ze vill!

mathuelen

eréischt

Mëtsch

allerdéngs

Ënnerscheed

iessen

schéngt

gëtt

Géigendeel

iwwerleeën

denken

Poulet

1. D'Resultater vum Test ginn _____ nächst Woch publizéiert .
2. Garçon, kann ech de Rescht vun der Pizza _____, w.e.g?
3. Looss mech elo e puer Minutten iwwer dëse Problem _____.
4. Ech iessen moies ëmmer eng _____ mat mengem Kaffi .
5. Ech hunn den _____ tëscht den 2 Béier net geschmaacht.
6. _____ muss ech um 18h00 goen, well ech bei den Dokter goe muss.
7. Et _____ wéi wann et geschwë(nn) reenen géif .
8. Wat _____ et haut z'iessen, Mamma?